

云傳或云博又是也
又所悉反恐非此呼
鐵鉗下知林反 駁補角 聚下合反 攘鳩上 汝
塑角下 頰反所 浮上烏 至抄上 彌反 嬉許之 酒下各
洋音羊 腋亦音 胸反 閻反 整反七 斃反 吒反知 加

阿毗達磨俱舍釋論卷第九 疲九

婆藪盤豆造 陳三藏真諦譯

分別世間品之四

復次夜摩等天宮其量云何上四天如須彌
婁山量餘部說如此復有餘師說向上倍倍
廣復有餘師說初定地量同一四洲世界第

二定地量同小千世界第三定地量同二千
世界第四定地量同三千世界復有餘師說
初定等三地量同一千等世界第四定無復
量復次何義名小千世界二千世界三千世
界偈曰
四洲及月日 須彌婁欲界 梵處各一千

名小千世界
釋曰一千剡浮洲乃至一千北鳩婁一千月
日一千須彌婁山一千四大王天乃至一千
他化自在天一千梵處說此名小千世界偈曰
千倍此小千 名二千中世界
釋曰更千倍小千世界名二千中世界偈曰

千倍三大千
釋曰更千倍二千中世界名三千大千世界
如此一切偈曰 共同一壞成

釋曰如此等世界同有大小三災此大千世
界同壞同成此義後當廣說如器世界量不
同於中住衆生身量亦有差別不有此中偈曰

剡浮洲人量 四肘三肘半
釋曰剡浮洲人從多身長三肘半或有人長
四肘偈曰
後後倍倍增 東西比洲人
釋曰東毗提訶人身長八肘西瞿陀尼人身
長十六肘北鳩婁人身長三十二肘若天云

何偈曰

身量四分增 乃至俱盧舍 半欲界

釋曰四天王天身長一俱盧舍四分之一三十三天身長四分之二夜摩天身長四分之三兜率多天身長四分化樂天身長五分之他化自在天身長一俱盧舍半偈曰

色界初半由旬次第

釋曰色界諸天於初與梵眾天身長半由旬從此次第偈曰 半半增

釋曰於三處半半增梵先行天身長一由旬大梵天身長一由旬半少光天身長二由旬偈曰

疲九

二

師

向上從少光上身倍倍增唯除無雲三由旬釋曰無量光天身長四由旬徧光天身長八由旬如此倍增由旬乃至徧淨天身長六十四由旬無雲天倍增減三由旬身長一百二十五由旬從此後福生等天更倍增乃至阿迦尼師吒天身長十六千由旬身量向後有

如此差別壽量亦有差別不有偈曰

北鳩婁千年 於二離半半

釋曰北鳩婁人定壽千年於西東一洲壽量半半減西瞿陀尼壽五百年東毗提訶壽二百五十年偈曰 此不定

釋曰於剌浮洲壽量不定有時極多有時極

少多少云何偈曰 最後十歲

釋曰此壽漸減最後唯有十歲偈曰 初叵量

釋曰劫初生眾生命不可量由千等數不能計量故說人壽已今當說天壽若先安立日夜方得計諸天壽天日夜云何偈曰

人中五十年 彼天一日夜 欲下天

釋曰人中五十年於欲界最下天謂四大王天是一日一夜偈曰

以此 彼壽五百年

釋曰以此三十日夜立為一月以十二月立為一年以此五百年為彼天壽量偈曰

疲九

三

向上後倍增

釋曰上地諸天倍增為日夜以此日夜計彼壽量彼壽云何人中一百年是三十三天一日一夜以此日夜一千年為彼天壽量應知夜摩天等次第如此人中二百四百八百十六百為彼一日一夜以此日夜二千四千八千十六千天年次第為上天壽量從由軋陀羅向上無日月諸天云何安立日夜用光明事云何得成由華開合謂俱牟頭華波頭摩華等諸鳥有鳴不鳴睡有來去以此等事判日夜用光明事者身自然光不須外光說欲天壽量已偈曰

色界無日月 由劫判彼壽 劫數如身量
釋曰於色界中若有諸天身量半由旬壽量則半劫若身量一由旬壽量則一劫如此彼身隨由旬數彼壽量劫數皆隨身量乃至阿迦尼師吒天以十六千大劫為壽量偈曰
無色二十千 劫後二二增

釋曰於空無邊入壽量二十千劫識無邊入更增二十千劫無所有入更增二十千劫有頂更增二十千劫此壽量二十四十六十八十千劫此中應知云何為劫為是別劫為是壞劫為是成劫為是大劫偈曰
從少光大劫 從此下半劫

釋曰從少光梵處應知壽量約大劫從此下半大劫說名劫以分別大梵等壽量云何如此是時世間二十別劫成二十別劫成已住二十別劫散集是六十別劫於大梵處說名一劫半分別如此已是半劫謂四十別劫立為一劫說彼壽量說善道壽量已惡道壽量

今當說偈曰
與欲界天壽 日夜次第等 於更活等六壽量如欲天
釋曰如所說六欲天壽量於六地獄日夜應知次第皆等六者謂更活黑繩聚磔叫喚大叫喚燒然於彼由旬日夜等六欲天壽量應

九

四

知於彼壽量亦等六天壽量云何如此所說
四天王壽量於更活地獄是一日一夜以此
日夜立月立年以此五百年為其壽量三十
三天壽量於黑繩地獄是一日一夜以此日
夜於中壽量足一千年如此於餘處次第應
知乃至他化自在天壽量於燒然地獄是一

日一夜以此日夜於中壽量足十六千年偈曰
於大燒半劫 阿毗指別劫

釋曰於大燒然地獄壽量半別劫於無間地
獄壽量足一別劫於畜生壽量無定偈曰

畜生極別劫

釋曰若畜生中最極長壽但一別劫謂諸龍

難陀優波難陀阿輪多利等何以故佛世尊
說比丘有八部龍名大龍皆一劫住持於地
輪廣說如經偈曰 鬼日月五百

釋曰人中一月於鬼神是一日夜以此日夜
壽量五百年於寒地獄壽量云何偈曰

從婆訶百年 除麻盡為壽 類浮陀二十

倍倍後餘壽

釋曰約譬諭佛世尊說寒地獄壽量如經言
比丘譬如如此中二十佉黎是摩伽陀量一婆
訶麻徧滿高出從此有人一百年度除一粒
麻比丘如此二十佉黎一婆訶麻由此方便
我說速得咸盡我未說於類浮陀生眾壽

疲九

五

量得盡比丘如類浮陀壽量更二十倍為尼
刺浮陀壽量乃至比丘二十倍波頭摩壽量
為分陀利柯壽量如此等壽量為有未具足
於中間死不一切處有偈曰

除鳩婁中天

釋曰於北鳩婁洲一切人壽量皆定必具壽

量盡方得捨命於餘處壽命不定若約別人
於中間多不得死謂住兜率多天一生補處
菩薩最後生菩薩佛所記佛所使信行法行
菩薩母轉輪王母正懷胎如此等由旬量說
處所及身量已由年量說壽命量已此二齊
量未說如此一切用名分別此名窮量亦應

顯說為說此三是故初立方便偈曰

隣虛字刹那 色名時最極

釋曰若分分拮色極於隣虛故隣虛是色極

量時量亦亦極於刹那名量亦亦極於輕字

如伊音短

復次刹那者何量若因緣已具足隨時法得

一生是時名刹那復次是法若行度一隣虛

是時名刹那復次若有強力丈夫一彈指頃

經六十五刹那阿毗達磨師說如此於此中

偈曰

七隣虛阿耨塵鐵塵水兔羊牛隙塵蠅蟲麥

指節應知後後七倍增

釋曰以隣虛為初應知後後皆七倍增七隣

虛為一阿耨七阿耨為一鐵塵七鐵塵為一

水塵七水塵為一兔塵七兔塵為一羊塵七

羊塵為一牛塵七牛塵為一隙光中塵七隙

光中塵為一蠅七蠅為一蟲七蟲為一麥七

麥為指一節三節為一指是世間所解故偈

中不說若橫並指偈曰

二十四指量一肘四肘一 五百弓俱盧舍

此名阿練若

釋曰十二指為一磔手二十四指為一肘四

肘名一尋亦名一弓五百弓為一俱盧舍亦

名村亦名阿練若偈曰

疲九

六

此八一由旬

釋曰此八俱盧舍為一由旬說由旬量已年

量今當說偈曰

百二十刹那 怛刹那

釋曰一百二十刹那為一怛刹那偈曰

六十 說名一羅婆

釋曰六十怛刹那說名一羅婆偈曰

後三三十僧是一牟休多及一日夜月

釋曰三十羅婆為一牟休多三十牟休多為

一日夜夜有時長有時短有時等三十日夜

為一月偈曰

十二月一年 一年共減夜

釋曰寒際有四月熱際有四月雨際有四月
如此十二月立為一年共減夜何以故有六
減夜入一年中云何如此

寒熱雨三際 中月半已度 於餘半月

智人知減夜

說年量已劫量今當說偈曰

說劫有多種

釋曰別劫壞劫成劫大劫此中偈曰

壞劫地獄盡 乃至器世滅

釋曰於諸地獄中從無復眾生乃至器世界

滅是名壞劫何以故壞有二種一道壞二界

壞復有二種壞一眾生壞二器世界壞有如

疲九

七

此時於此時中地獄眾生但死無復受生此
時是壞劫之初是時世間二十別劫成已住
此住劫應知已度更二十別劫世間應壞是
壞此時應知次第復至若是時於地獄中無
一眾生為餘由此時量世間已壞由地獄壞
故於此時中若眾生有定業必應於地獄受

報未盡業引此眾生於餘世界地獄受報畜
生壞劫鬼神壞劫亦應作如此說住大海畜
生先壞共人行畜生後壞復有如此時於人
道中隨有一人自然無師法尔所得修入初
定此人從初定出說如此言善人從離生喜
樂最美妙善友從離生喜樂微細寂靜餘人
聞此言復各修學此定如此等人捨命後皆
生梵處若是時於剎浮洲無一眾生為餘由
此時量世間已壞由剎浮洲壞故如此東毗
提訶西瞿陀尼北鳩婁壞亦應作如此說若
是時於人道無一人為餘由此時量世間已
壞由人道壞故北鳩婁人捨命生欲界天於
自地中無離欲故如此於四大王天修習初
定已生於梵處若是時於四大王天無一天
為餘由此時量世間已壞由四大王天壞故
如此乃至他化自在天壞亦應作如此說若
是時於欲界天無一天為餘由此時量世間
已壞由欲界壞故於梵處隨一眾生法尔所

得修入第二定從此定出說如此言此樂最
美妙謂定生喜樂此樂最寂靜謂定生喜樂
餘人聞此言復各修學此定如此等天捨命
後皆生徧光天處若是時於梵處無一衆生
爲餘由此時量世間已壞由衆生壞故是時
器世界皆空從此時初定道所起能感器世
界業悉已謝滅七日次第出乃至燒大地及
諸須彌婁山無復餘從此猛火風吹光燄上
燒梵處如此光燄應知是初定地同類何以
故若災非同類則不能壞由相應發故故說
此火能燒何以故是欲界火能接色界火故
此義於餘災如理應知亦尔從地獄中由衆
生死不更生乃至器世界盡經如此時說名
壞劫偈曰
成劫先於風 乃至地獄有
釋曰從初風起乃至於地獄有衆生是名成
劫何以故世間如此已壞惟空爲餘於長時
住乃至後衆生業壞上故諸世界器先相初

疫九

九

起謂於空中有微細風漸漸而動是時世間
二十別劫壞已住此壞劫應知已度更二十
別劫世間應成此成是時應知次第復至從
是時諸風漸漸增大乃至成就如前所說風
輪如前所說次第事一切皆成謂水輪及大
地金地輪乃至諸洲須彌婁山等初成大梵
天宮殿次第乃至成夜摩天宮殿從此後風
輪起由此時量應知世間已成由器世界成
故是時隨有衆生應作大梵王從徧光天墮
於大梵宮殿受生餘諸衆生從彼次第墮有
生梵先行處有生梵衆處有生他化自在處
如此次第乃至於北鳩婁西瞿陀尼東毗提
訶剌浮洲鬼神道畜生道地獄道處受生此
是法尔謂後世間壞先世間成是時若一衆
生於地獄處受生由此時量世間二十別劫
已成此成劫應知已度更二十別劫世間應
住此住是時應知次第復至偈曰
別劫從無量 乃至成十歲

疫九

九

釋曰從世間初成十九別劫於無量壽時中已度此無量壽衆生壽命漸減乃至十歲世間已成及住是住初別劫偈曰

初下一別劫 次上下十八

釋曰從此初住後有十八上十八下為十八別劫云何如此從此十歲衆生壽命若轉增

上乃至八萬歲復轉減下乃至十歲是第二別劫如此乃至十八偈曰

後上一別劫

釋曰最後一上別劫即住劫第二十別劫如此若下從八萬乃至十歲若衆增上至幾量為究竟偈曰 乃至壽八萬

釋曰過此無復上於十八劫中如一上一下時量初住下劫時量亦衆最後上劫時量亦衆是故一切時量平等偈曰

世間如此成 住經二十劫

釋曰由此別劫道理世間二十別劫成已住如成住時量於如此等時偈曰

劫成及破壞 壞住皆平等

釋曰二十別劫世間成二十別劫世間壞二十別劫壞已空住雖於此三時無上下量劫然此劫量皆平等若算數平等故此中由一別劫器世界成由十九別劫此處成所住由一別劫器世界被離由十九別劫器世界空

無衆生如此別劫有四種二十合成八十偈曰 八十名大劫

釋曰若大劫其量如此此劫以何法為自性五陰為自性於經中說由劫三阿僧祇諸佛得無上菩提果此三阿僧祇於四劫中為是何劫此中所說是大劫以此偈曰

大劫三僧祇

釋曰由三劫阿僧祇所求佛果方成阿僧祇既無數邊三數云何成不應如此知若衆云何雖然有六十數處名一阿僧祇於餘經中說如此何者為六十有第一數無第二數是處名第一十此第一名第二處十第二處名

疲九

十

陳刊

百十百名千十千名萬十萬名洛沙十洛沙
名阿底洛沙十阿底洛沙名俱胝十俱胝名
末持訶十末持訶名阿由多十阿由多名摩
訶由多十摩訶由多名那由多十那由多名
摩訶那由多十摩訶那由多名波由多十波
由多名摩訶波由多十摩訶波由多名鬱僧

伽十鬱僧伽名摩剌僧伽十摩剌僧伽名婆
訶那十婆訶那名摩訶婆訶那十摩訶婆訶
那名知知婆十知知婆名摩訶知知婆十摩
訶知知婆名醯堯十醯堯名摩訶醯堯十摩
訶醯堯名柯羅婆十柯羅婆名摩訶柯羅婆
十摩訶柯羅婆名因陀十因陀名摩顯陀十
摩顯陀名婆末多十婆末多名摩訶婆末多
十摩訶婆末多名伽知十伽知名摩訶伽知
十摩訶伽知名維婆十維婆名摩訶維婆十
摩訶維婆名物陀十物陀名摩訶物陀十摩
訶物陀名婆羅十婆羅名摩訶婆羅十摩訶
婆羅名社那十社那名摩訶社那十摩訶社

那名毗休多十毗休多名摩訶毗休多十摩
訶毗休多名婆羅沙十婆羅沙名摩訶婆羅
沙十摩訶婆羅沙名阿僧祇中間八處如此
大劫次第數至第六十處說名一阿僧祇度
一更如此數名第二第三亦尔故說三阿僧
祇非一切方便所不能數故名阿僧祇衆生

疲九

上

朱

先已發願云何復須此最長時修行方得無
上菩提如此事云何不應有何以故由大福
德智慧資糧行由六波羅蜜百萬難行道於
大劫三阿僧祇中無上正覺果諸菩薩方得
若由別方便有解脫理何用久修此大難行
道爲他故須如此大功用云何我等從大苦
流有能爲拔濟他由此意故他又劫修行由
他利益於已有何自利是已自利謂他利益
是已所樂故若此事今何人能信此事實難
可信若人荷負自身爲重於他無慈悲若具
智慧慈悲人此事易信譬如於世間有諸餘
人恒習惡過失於中雖無自利益欣樂他損

惱事眾所共見如此復有餘人恒習大悲於中無自利益欣樂行利益他事是故此事可比復次譬如世間凡夫由長時數習故於諸行法實非自我不能了別諸行體相於諸行中生起我愛因此我愛恒荷負眾苦如此復有餘人於長時由數習智慧於自相續棄捨

自愛於他增長自愛因此愛故為他荷負眾苦是故應知此義不異復次有別性如此種類起由他苦故苦由他樂故樂不由自身故彼不見他利益事異自利益此中說偈

下人求自樂 作種種方便 中人求滅苦 非樂苦依故 上人由自苦 樂他得安樂

及他苦次滅 他苦自苦故

為於劫上時諸佛出世為於劫下時諸佛出世偈曰

成佛於劫下 減八萬至百

釋曰世間人壽八萬歲時壽減正發乃至人壽百歲於此中間諸佛世尊出現於世云何

不於劫上時出於此時中眾生難教厭離故云何不於百下時出於此時中五濁熾盛何者為五濁一命濁二劫濁三惑濁四見濁五眾生濁下劫將末命等五最鹿最下已成淨故說名為濁由前二濁次第損減壽命及損減樂具復由二濁損減助善何以故因此二

疲九

十一

濁有諸眾多修習欲塵樂行及自苦行能損在家出家助善由後一濁損減自身身量色無病力智念正勤不動此德壞故獨覺於何時出世偈曰 上下時獨覺

釋曰獨覺於上劫及下劫時皆得出世何以故獨覺有二種一部行二犀角喻此中部行

者先是聲聞或名獨勝有餘師說有先是凡夫後成部行獨覺若此人於前世已修決擇分能善根今生自然覺悟聖道云何得知於本行經中說有一山處有五百外仙修難行苦行乃至有一獼猴與獨覺共住後至外仙所現獨覺威儀莊飾五百外仙皆成獨覺若

先是聖人不得修難行苦行犀角喻者謂獨自住二種獨覺中偈曰

犀角喻百劫

釋曰足一百大劫修行菩提資糧方成犀角喻獨覺云何名獨覺離師正教於一自身如理覺悟故名獨覺何以故諸獨覺但調伏一身不調伏他故云何名犀角喻於人天道最勝品中真實無等故何因不覺悟他諸獨覺非無能為他說法具得四無礙解故彼亦有能憶持往昔諸佛所說正教及為他說故彼亦非無慈悲為利益他恒現通慧故不由衆生不感聖果故不為說何以故是時亦有

疲九

三

修世道離欲諸仙雖然亦由宿世數習故由喜樂少求故是故不能說正教令他愛甚深法何以故隨愛流行世間難可引濟令其逆流故為離雜行攝部衆故怖畏散亂雜談說故復次轉輪王於二時中何時出世偈曰
減八萬歲時 無轉輪王生

釋曰人壽無量時乃至壽八萬歲轉輪王生於世間不減八萬時何以故若人壽減八萬是人非此吉祥富樂器故由輪成正位為法故名轉輪王此王有四種偈曰

金銀銅鐵輪

釋曰若人以金為輪此人是上上品以銀為輪是上品以銅為輪是中品以鐵為輪是下品偈曰

四隨下次第 一二三四洲

釋曰若人以鐵為輪此人為一洲王以銅為輪為二洲王以銀為輪為三洲王以金為輪為四洲王分別世中說如此於經中由徧顯勝故但說金輪經言若王生刹帝利種已受灌頂位於布薩時白半十五日王從頭次第洗竟持八戒布薩昇上高樓大臣等集皆悉圍繞於東方有輪寶出現千輻具足有轂有輞一切莊嚴無不圓備如善巧工匠所作一切皆金來至王所應知此王必是轉輪王若

餘轉輪王生亦尔偈曰

非二俱如佛

釋曰於經中說無處無位謂無前無後二如來阿羅訶三若三佛陀出現世間有處有位若一如二如來二轉輪王亦尔此中是義應思是所許處為約大三千世界為約一切世

界餘部說諸佛世尊但一處出餘處則無何以故勿許諸佛世尊功能有闕是一世尊於一切處具有能故若於一處一佛不能荷負一切受化弟子餘佛於中亦無有能於經中說云舍利弗若有一人來至汝所問汝言大德於今時為有沙門婆羅門與瞿曇沙門平

疲九

十五

等平等於無上菩提不汝若被問當云何答世尊若有一人來至我所作如此問我若被問應如此答於今時無有沙門婆羅門與我世尊平等平等於無上菩提何以故世尊我從世尊吉祥口證聞此言證持此言無處無位謂無前無後二如來阿羅訶三若三佛陀

出現世間有處有位若一若尔佛世尊於梵王經說此義云何經言梵王於三千大千世界我自在成此言是不了說義說何義不了若如來約自性心不作別故意正說利益他等於此境界皆自然成若如來作別故意境界則隨意無邊有別部說於餘世界各有

諸佛如來何以故見多人共俱修菩提資糧有多佛世尊於一處一時出現無如此理若出現餘處則無有礙是故必於餘世界等成正覺若尔此義中前所引經云無處無時謂無前無後二如來出現於世此義今云何將此義今應思量此經為約一世界說為約一

切世界說若約一切世界說轉輪王不應出餘世界由遮俱生故譬如如來若汝忍如此此義云何不忍諸佛出現世是大大吉祥福若多佛出多世界無有過失於世間無量衆生得與大福德已利相應若尔於一佛田云何二如來不俱出世無用故隨本願故故諸善

疲九

十五

薩發如此願於盲世間無將導無救無依願我於中成佛為眼及依為令恭敬及疾行故何以故若一佛則生他極重恭敬又令他思惟如此餘佛最難可得是故如所立教速疾修行勿大師去已及般涅槃我等無依止復次是四種轉輪王由金輪等制伏天下云何能制伏次第偈曰

他迎自往彼 爭伏勝

釋曰若王得金輪為具剎浮洲諸國王各自來迎候各云我等國王富樂平安豐壤徧多人眾皆屬天尊願天尊教勅我等皆是天尊翼從若王得銀輪為具王自往彼土諸王皆下心歸伏若王得銅輪為具王往近彼土遣使去還與共討爭然後諸王方下心歸伏若王得鐵輪為具王自往彼土探甲捉仗示攻伐相然後諸王方下心歸伏一切轉輪王偈曰 無害

釋曰若捉仗制伏他土尚無殺害何況餘王

伏天下已一切眾生住王國土王悉教令受持十善法是故諸王必定生天經中說由轉輪聖王出現於世世間則有七寶現生何者為七一輪寶二象寶三馬寶四摩尼寶五女寶六長者寶七大臣寶象等諸寶是眾生類云何由他業生若無一眾生由他業生此人先共造諸業能感互相應報此人若受生餘眾生由自宿業生與此人相應此轉輪王與餘王為唯七寶有差別為更有餘差別有餘差別謂此四轉輪王有三十二大人相餘王則無譬如諸佛若小王與佛何異於中偈曰處正明了圓 佛相餘無等

釋曰佛三十二相有三德與王相不同三德者一處極正不偏二極明了不隱昧三極圓滿無減缺劫初諸人為有王為無王雖然偈曰初生如色界

釋曰劫初生人如色界眾生各自在任經中說劫初生人有色意生具身身分具根無減

疲九

十六

色形可愛自然光明能飛行空中喜樂為食
 依喜樂於久長時住偈曰
 衆生漸貪味 為嬾慳儲蓄 由財產守田
 釋曰衆生已如此成地味漸出其味甘美勝
 細蜂蜜於中有一人貪愛為性聞地味香試
 取嘗之遂便噉食餘人次第隨學此事初發
 段食在於此時是時諸人由數習此食於身
 生堅重二觸失先光明從此有黑暗起是時
 日月出現由貪味故是彼地味次第滅盡地
 皮乾起以此為食於中起貪又失此食次生
 林藤以此為食於中起貪又失此食次生舍
 利不由耕種自然而有以此為食此食最廉
 變異有殘為除此殘生大小便道此道與男
 女根俱生相貌亦異是時彼人互相瞻視由
 隨先惑習氣起邪思惟由邪思惟羅刹所吞
 姪欲變異於心猛盛即便犯罪是姪欲鬼初
 發入心在於此時是時彼人晚時為冥食曉
 時為晝食相要共取舍利於中有一人嬾慳

為性長取舍利儲宿為食餘人學之亦各儲
 宿是時於中即生我所因此我所後取舍利
 將已即盡不復更生是時彼人即共分田於
 自分田生重貪惜於他所得作侵損事初發
 偷盜在於此時為遣此失皆共集聚其中有
 一勝人諸人各以所得六分之一共雇此人
 為守由主彼說此人為差反知多羅莎未覆
 反差多羅莎未故得利帝利名大人衆所許
 能染世間心是故初主名摩訶先摩多王一
 切王相傳此王為初於中若有人心出家外
 是人得名婆羅門後時有一王由貪惜財物
 於民不行分施恩事諸人由貧乏故多行盜
 事王於此罪人好行刀仗治罰事初發殺害
 在於此時是時罪人覆藏說言我不作此事
 初發妄語在於此時偈曰
 次由十惡增 壽減至十歲
 釋曰次第由此方便業道增長故壽命漸減
 於最後時一切人皆壽十歲是故一切災橫

二法為根本謂貪味及癩瘡是時人壽十歲是別劫出盡云何出盡偈曰

是劫由伏疾 及饑災故出

釋曰別劫有三因緣故出盡一刀仗二疾疫三飢餓別劫出盡時是十歲人非法欲所染不平等貪所逼邪法所徧是人瞋毒轉增上

若互相見即起極重瞋殺心譬如今時獵鹿人見野鹿是時諸人隨有所捉或木或草於彼人悉成極利刀仗彼人作是思惟我今必應在前是故更互相殺由此皆死復有別劫出盡時是十歲人由罪過多故鬼神起憎惡心於彼作諸災橫是故處處遭阿薩闇病由

此皆死復有別劫出盡時是十歲人由罪過多故天神龍起憎惡心不復降雨是故處處飢餓窮困由此皆死是時有三糧一旃遮糧二白骨糧三籌糧名旃遮糧者此有二因今時聚集彼時名旃遮又匿子名旃遮是時諸人飢羸所逼聚集聚集皆飢餓死又為護惜

來歲糧及憐愍眷屬於將來時藏舉少糧及種子置匿子中故名旃遮糧白骨糧者亦有二因是人身燥澁既久死後少時骨即白色又無食飢餓取此白骨煮汁飲之籌糧者亦有二因是時諸人由次第傳籌家家分張糧食今日家主食明日婦食如此次第復次昔

疲九

十八

時曾有穀處開拆以籌挑取隨得穀粒以多水煮之飲以為糧於經中傳說如此若人能於一日護離殺生或能施一訶黎勒或於大眾起恭敬心能施一食是人於刀仗疾疫飢餓劫時不於中生刀仗疾疫飢餓三災起各幾時偈曰

七日及七月 七年次第盡

釋曰由仗殺害眾生災於七日內起疾疫災於七月七日內起飢餓災於七年七月七日內起是時於二洲人亦有似三災事起瞋恚於彼增長至重黑瘦惡色及身羸弱於彼亦起飢渴亦起是各各所說三災於諸災中應

知次第皆有偈曰

散集劫有三 由火水風起

釋曰於一一定處衆生下散上集故名散集

劫由七日出故有火災由大雨水故有水災

由大風相違故有風災由此三災器世界極

細分皆盡無餘此中有餘外道師執說如此

隣虛常住於此時中以此為餘云何彼樂執

此義諸餘大物後更生時勿彼生無種子為

不如此耶是衆生業勢力所生風由功能勝

說為種子復次災頭風亦為種子因彌嬉沙

塞部經中說風從餘現成世界引載彼種子

來雖然諸外道師不許芽等從種子生若尔

疲九

十九

彼執云何從自分生乃至自分從自隣虛生

若尔種子等於芽等中有何功能離安立隣

虛無別功能由芽隣虛從種子出故何因彼

許如此從非同類因果生此不應理云何不

應理若尔一切物生別應不定是義不然由

功能定故無不定義譬如聲熟等若是義不

然何以故求那法種種不同踴臘脾也法

不尔若物欲生必從同類物生譬如從竹宜

生從縷衣生今不相應義起此中何義不相

應引不成就義證不成就義此中何義不成

就宜異竹衣異縷此義不成就何以故是竹

是縷如此聚集故得別名譬如蟻行云何得

知於一縷和合中不見衣故何以故於中若

衣實有何法能障令不顯現若不具有但有

衣分此則非衣何以故惟聚集為衣故復有

何一分衣異於此縷若由觀多依和合故衣

成惟縷和合中已應見衣時無見有此衣初

中後不對根故故知離縷無有別衣若衣分

分次第對根不應說由眼由身證得為有分

由次第決證有分故是故衣智但緣分起譬

如火輪若縷有別色類事衣無色等故則衣

不可得若衣有種種色等別類不生別類此

義不成於無種種色等別邊不應見衣或應

即於此邊見種種色衣縷有種種事衣應無

種種異是故知衣無有別物復次火光燒照等有差別此光於初中後不應有色觸及事等隣虛雖過根若聚集則可證如彼能作事眼等諸根若生膚瞠等則不見散髮等但見聚髮等何以故一髮等於彼過根故譬如隣虛是故知汝但於色等假立隣虛名由此義

故色等滅時隣虛即同滅若隣虛是物實異色等不應與色同滅若同滅異義則不成隨愚智類不可分別此物是地水火風此物中色聲香味觸是德汝執言諸物是眼耳所證毛古貝紅華鬱金若被燒彼智即無故知彼智但緣色等起熟所生德起時由形貌相似

疲九

二十

故瓶智更生譬如色行何以知然若人不見形貌不能知故於嬰兒言何足可重今且止破彼執復次於三災中何災何為頭偈曰

三定二定等 次第三災頭

釋曰諸災有三火災以第二定為頭下地燒然水災以第三定為頭下地爛壞風災以第

四定為頭下地散滅隨諸災上地說名災頭何因三定地由火水風破壞偈曰

由等彼內災

釋曰於初定地覺觀為內災此覺觀能起心焦熱與外火同於第二定喜為內災此喜與輕安觸相應能令依止軟滑與外水同於此定中一切身強違觸滅故說是苦根滅處於第三定出入二息為內災此即是風於定於三摩跋提若如實有此內災於此定等必有如此外災云何無地災地名器世此地與火水風相違不與地相違若尔於第四定有何災偈曰

四無不動故

釋曰於第四定離內災故佛世尊說彼名不動是故於中諸災不起故彼無災餘部說由淨居天威力故無災何以故彼無復能得入無色界及住餘處受生定於彼般涅槃繫故於彼無災若尔第四定器應是常住偈曰

其末

無常衆生共 宮殿生滅故

釋曰第四定不共一地相應云何各各地住
與他不共譬如衆星於中若有衆生生及死
墮宮殿與彼俱生俱滅故此地非常住此三
災起次第云何若無間偈曰
七火一水災

釋曰先七災由火起後一災方由水起如此
次第更七災由火起隨七火災後各一水災
起偈曰

七水災已度 後復七火災

釋曰由此次第七水災已度後復七火災更
次第起偈曰

然後風災起

釋曰從此後一風災起何因如此於彼衆生
由定勝德如自身住差別所居處亦介此住
幾時經五十六火災一風災若作如此義分
別立世論則被隨順彼論云六十四劫是徧
淨天壽量

阿毗達磨俱舍釋論卷第九

疲九

阿孺

下如 侯反

磔

知格 反

維婆

上如林 反

犀角

擗甲

上戶 反

儲蓄

上直魚 反

林藤

下徒 反

相要

下於 反

長取

上直向 反

匱

力 反

躡臆

上從合 反

下步 反

筴

都達 反

古貝

補蓋 反

躡臆

中虛合 反

此云 實也

筴

都達 反

古貝

補蓋 反

躡臆

中虛合 反

以冉 反

頰

烏葛 反

古貝

補蓋 反

躡臆

中虛合 反

阿毗達磨俱舍釋論卷第十

疲十

婆藪槃豆造

陳三藏真諦譯

分別業品第四

前已說衆生世及器世差別有多種不同如
此不同何因所作非隨一作者以知爲先所
造若介云何諸衆生偈曰

業生世多異

釋曰若世間多種差別皆從業生云何因衆
生業鬱金梅檀等生極勝可愛而彼身不介
是彼業種類如此作雜業衆生彼身有九瘡
門甚可厭惡外具生極可愛以對治此身諸
天等不造雜業此二悉可愛若介此業是何